



UNIVERSITÄTS-
BIBLIOTHEK
PADERBORN

**Principia Juris Canonici : Ex Libro ... Decretalium Gregorii
IX. Pontificis M / Antehac In Alma & Archi-Episcopali
Benedictina Universitate Salisburgensi**

König, Robert

Salisburgi, 1725

VD18 80460526

33. De Conversione infidelium.

[urn:nbn:de:hbz:466:1-61800](#)

solum matrimoniale non solvatur, & ingressus annum a Canone habeat ad experiendum ordinis rigorem, ut adeo privatus consummatione temporis illi afferre non possit. Sanchez l. 2. disp. 24. q. 1. Dissentit Zoël. h. t. n. 12. Ad conversionem post matrimonium consummatum extra casum adulterii conjugi ad Religionem transiit necessaria est expressa licentia alterius conjugis. per c. sunt, qui dicunt. causâ 27. q. 2. nec sufficit tacita, quæ ex ejus scientia, tantum & dissimulatione colligitur. arg. l. filiasam. s. invitatus. ff. de Procuratorib. Præterea alter conjunx, si ob seniorem etatem extra hospicioem incontinentiae existat, debet votum castitatis emittere; si autem juvenis fuerit, votum castitatis in saeculo emissum non sufficit, sed insuper Religionem ingredi tenebitur. c. cum sit. c. uxoratus. c. ad Apostolicum & ibi DD. h. t. Ut tamen valida sit Professio, sola alterius conjugis licentia opus est. per c. 9. h. t. & ibi Panorm. c. Agatosa causâ 27. q. 2. Denique ut fiat cum licentia, & auctoritate Episcopi. c. si vir. causâ 27. q. 2. quæ tamen licentia similiter non est necessaria ad validitatem, sed solum ad licitudinem per Text. in t. 1. h. t. & ibi Joan. Andr. & Panormit. Sanchez de Matr. lib. 2. disp. 27. n. 3.

§. VI.

Finis conversionis conjugatorum est, ut conversus à conversatione alterius sejunctus ad religiosam perfectionem eo expeditius contendat.

§. VII.

Effectus allius est, si conversio conjugati legitime, & alius, si illegitimè facta sit.

Effectus conversionis legitime iterum est vel generalis, vel specialis. Generalis & communis conversioni ante & post matrimonium consummatum est, quod conversum adstringat ad observantiam regularē, ita ut nec mortua uxore inde recedere possit, c. 6. h. t. Effectus autem specialis conversionis post matrimonium ratum tantum est, quod per eam dissolvatur etiā KÖNIG IN DECANT. LIB. III. ¶

vinculum matrimonii, ita ut conjunx in saeculo remanens ad secunda vota transire valeat. c. 7. h. t. cum tamen matrimonium consummatum per conversionem dissolvi nequeat. Cur tam varie rationem reddit Hostiens. in Summa h. t. n. 7. quia videlicet illa conjunctio animorum per matrimonium ratum, tametsi verum Sacramentum, & perfectum matrimonium sit, tamen solum significat conjunctionem Christi cum anima fideli per gratiam, quæ conjunctio & in melius mutari, sive intendi, & etiam omnino tolli potest. Econtra conjunctio corporum in consummatione matrimonii significat conjunctionem Christi cum Ecclesia, quæ est indissolubilis.

Effectus conversionis illegitima est professio repetitio, & restitutio: etenim conjunx sine consensu alterius post consummatum matrimonium professus tenetur redire ad conjugem, & petenti debitum reddere, quamvis petere non possit, cum se ad castitatem voluerit obligare, quantum potuit. c. placet. 12. h. t. Non tamen potest, conjugē Professum propriā auctoritate exire Monasterio posse, tum quia sui juris amplius non est, tum quia per se manendo in religione non peccat, licet peccaverit in grediendo non servatis, quæ de jure ad legitimum ingressum Religionis requiruntur. Imo tametsi peteret conjunx in saeculo remanens, illum sibi a Prælato restitui, absq; eō tamen, ut officium Judicis desuper imploraret, a Prælato uxori reddendus non esset: in re enim tam ardua, maximè in foro externo, Judicis erit videare, an nil obstet revocationi facienda, ac sententiā saltem declaratoriam super nullitate professionis ferre. per d. c. placet. 12. h. t. Gloss. inc. uxor. V. nullat. Eod. Sanch. lib. 2. disp. 33. n. 15.

TITULUS XXXIII.
De Conversione Infidelium.

SUMMARIUM.

1. Definitur conversio infidelium. 2. Est donum
Na DEI

DEI. 3. Quinam veniant nomine infidelium. 4. Quanta necessitas fidei. 5. Assignantur requisita huius conversionis. 6. Finis 7. 8. Effectus.

A Conversione Conjugatorum ad Religionem nos convertimus ad conversionem infidelium ad fidem.

§. I.

1. Definitur conversio infidelium, quod sit transitus ab infidelitate ad fidem, ac religionem Catholicam.

§. II.

2. Causa efficiens conversionis infidelium est ipse Deus: sic enim Divina oracula: Joan. 6. hoc opus DEI, ut credatis in illum, quem misit ille. Ad Philippens. 2. Vobis donatum est pro Christo non solum, ut in eum credatis, verum etiam, ut patiamini pro eo. ad Ephes. 6. Charitas cum fide à DEO Patre, & Domino JESU Christo. Ex quibus clare patet, fidem esse ex DEI gratia. Sic tamen fides est ex DEI gratia, ut concurrat etiam liberum arbitrium, nam ut ait S. Augustinus: credere, & velle bonum, DEI est, quia ipse preparat voluntatem: & utrumque nostrum, quia non fit, nisi volentibus nobis.

§. III.

3. Subjectum conversionis infidelium sunt infideles conversi, non largè accipiendo nomen infidelium, prout comprehendit omnes, qui à fide Christiana quoquò modò alieni sunt, veluti hæretici, qui non tam propriè converti, quam reverti dicuntur; sed strictè pro iis scilicet, qui nunquam per Baptismum Ecclesiæ subjecti sunt, ut sunt Judæi, & Pagani.

§. IV.

4. Objectum conversionis infidelium est fides Catholica, quæ, ut definit Trid. sess. 6. c. 8. est humana salutis initium, fundamentum, & radix omnis justificationis, sine qua impossibile placere DEO, & ad filiorum ejus consortium pervenire. Quæ verba Concilium desumpta ex S. August. serm. 38. de tempore, ubi & hæc, quæ sequuntur, addit: sine fide nullus in hoc

seculo justificationis consequitur gratiam, ne in futuro vitam possidebit eternam.

§. V.

Forma conversionis infidelium stat in requisitis. Requiritur autem I. Gracia Dei, quippe frustra fides prædicatur audientibus, nisi Divina gratia assensum fidei procuret, intellectum illuminando, & voluntatem pè afficiendo. Ita Act. 16. Lydiæ purpuraria Diminus aperuit cor, ut crederet his, quæ dicebantur à Paulo. Unde S. Gregor. lib. 11. mor. c. 5. mutum est omne os, quod loquitur, si ille intrin in corde non clamet, qui adspirat verba, quæ audiuntur. II. Requiritur actus voluntatis, qui assensum fidei imperet: cum enim res fidei non ita clare à DEO revelentur, lumen fidei non ita efficaciter hominem convincit, ut absolutè credere debeat; sed opus est voluntatis electione, qui intellectum ad credendum moveat, & determinet, plus tribuens Divinæ veracitati, quam humanis ratiunculis in contrarium obstantibus. Quare causam incredulitatis Judæorum in voluntatem eorumdem refundit Joannes c. 12. ad quod S. Aug. 11. 26. in Joan. dicit: Judæos non potuisse credere, quia nolebant. Vide Clariss. P. Paulum Mezger in Theol. Scholast. tr. 10. disp. 19. a. 1. III. Requiritur, ut infidelis baptizetur, & per Baptismum Ecclesiæ uniatur; antequam vero baptizetur, opus est, ut dolorem de peccatis delictis, præsertim mortiferis, eliciat cù proposito non peccandi de cætero. S. Th. 3. p. q. 66. a. 4.

§. VI.

Finis conversionis infidelium est æternalæ felicitas, ac felicitas.

§. VII.

Effectus conversionis infidelium est vel principalis, vel minus principalis.

Principalis est, quod converso in Baptismo simul cum gratia sanctificante habitus fidelis, aliarumque virtutum supernaturalium infundantur. Trid. sess. 6. c. 7.

Mi.

Minimus principalis est divortium conjugum; siquidem si periculum perversio[n]is, aut malitia[re] desertio subsit, integrum est ei, qui conuersus est, divertere, ac ad secunda vota transire: c. 1. b. t. & c. 7. de Divortiis. & si alter infidelium conjugum venit ad fidem, altero in infidelitatis errore remanente, communis processus assignatur converto; quod in favorem fiduci Christianae constitutum est in c. ult. b. t. q.

contra votum, ut ad matrimonium, vel dominium bonorum; *simplex* vero, ut castitatis, reddat contractū matrimonii solum illicitum, non invalidum. c. 3. *Qui Clerici, vel voventes,*

I. *Dividitur* votum in personale, reale, & mixtum. *Personale* est, cum officium, vel opus aliquod personæ promittitur Deo, ita ut materia illius sit actio personæ, sive jam illa actio præcepti sit, sive consilii; ut votum jejunandi, orandi, ingrediendi religionem. *Reale* est, quando res ipsa DEO promittitur, adeoq[ue] materia ipsius ita est res, ut actio personæ vim obligationis voti non ingrediatur, quale est votum erogandæ eleemosynæ. *Mixtum* est, quando quis, & rem, & personæ officium pollicetur, ut adeo materia istius constet partim ex actione, partim ex re; ut si voveas, te in capella Ettingana oratum rosarium, & ibi unum aureum oblaturum. Differentia hæc inter est in primis, quod, si votum merè personale tanquam onus impositum personæ voventis, per ipsum voventem impleri nequeat, vovens non teneatur satisfacere per alium. Deinde, quod votum merè personale non transeat in in hæredes, vel alios successores ex bonis voventis locupletatos, votum verò reale, & mixtum, quatenus reale est, transeat, tanquam onus impositum rebus voventis.

TITULUS XXXIV. De voto, & voti redemp- tione.

SUMMARIAS.

1. Voti diversa acceptio. 2. Definitio. 3. 4. Diffiso.
5. Votum est meritorium. 6. usque 12. Quinam vo-
vere possint, qui non 2. 12, usque 17. Quia opera voto
promitti possint? 17. usque 20. Voti recognita. 20. Fi-
niti. 21. Effectus. 22. & seqq. Quibus modis cesset
voti obligatio?

Non obligatione religiosa votum redditur, nec alia ratio est, cur hoc loco titulus iste inse-
ratur.

§. I.

1. *Votum* dupliciter sumitur I. In genere pro quovis desiderio. II. Et frequentius in specie pro promissione Deo facta. In qua significatio-
ne.

§. II.

1. *Definitur* votum, quod sit promissio deli-
berata DEO facta, de bono meliori. S. Th. 2.
2. q. 88.

§. III.

3. *Dividitur* votum I. In *simplex*, & *solenne*. *Simplex* omne illud dicitur, quod privatâ vo-
luntate sit, & in quo non intervenit publica Ecclesiæ acceptatio. *Solenne*, quod auctorita-
te publicâ Ecclesiæ acceptatur, & solenniatur; estque duplex: videlicet votum casti-
tatis, quod majoribus Ordinibus est annexum,
& votum Religiosa Professionis, quod emit-
titur in Religione à Sede Apostolica approba-
ta. In effectu votum simplex & solenne per
hoc discriminantur, quod solenne reddat per-
sonam abolute inhabilem ad contractus & actus

§. IV.

Causa efficiens voti duplex est: *remora*, & proxima.

Remora est jus tum Divinum, tum huma-
num: omni quippe jure non tantum licitum
est vovere, sed magis meritorium reputatur, si
quando aliquid fiat ex voto, quam sine voto;
opus namque v. g. jejunium ex voto factum
non tantum est actus abstinentiae, sed & actus
latriæ, & sublimioris virtutis, scilicet religio-
nis. S. Th. 2. 2. q. 88.

Proxima est vovens. *Voventem pos-
sunt*, quos vel defectus usus rationis, vel de-
fectus libera voluntatis non prohibet.

N n 2

Ra.